

泰西新史攬要

泰西新史攬要卷之二

英國 馬恩西元本
李提摩太譯

蔡爾康芝絳甫稿

法

法皇拿破崙行狀

第二節
法取科西
嘉島

歐羅巴洲之地中海有科西嘉島者法之東南境也而屬於意大利列
邦之耕羅亞國法人垂涎已久豪奪智取俱不能得乃以重金界耕羅
亞而購之旋遣將率師往戍之島民如陽樊之不服晉文公叛者四起
法人威以兵力科西嘉島地小兵微數月而後勢不能敵勉降於法此
一千七百六十九年 乾隆三十四年 事也

第三節
拿破崙生

科西嘉以彈丸蕞爾之地利無名山大川足以鍾靈毓秀乃不謂崛起
奇傑為法國之主者二十年糜爛法民而戰之雖奴隸不啻也其浪擲
法金也如泥沙如瓦礫遂使法蘭西變為歐洲最疲最弱一無所能之

國嗚呼此其中蓋有天焉一千七百六十八年乾隆三十三年科西嘉島人某

律師生子名曰拿坡崙時島尚未隸法邦也及拿坡崙爲法國之君法

人多不滿意以爲彼特科西嘉島之人耳拿坡崙知之詭稱生於一千

七百七十年

乾隆三十五年

則在島歸法國藩屬之後一年拿坡崙即係法國

之所產藉此籠絡人心其生平誦詐類如此考拿坡崙之父雖爲律師

而歲入不豐膝前子女成行殊難度日不幸又中年謝世拿坡崙之世

婦居孑立撫養兒女艱苦備嘗夫亦可憐生也

拿坡崙幼而好武年十一歲入武備學堂肄業越數年值法國民變拿

坡崙躍躍欲動即因民心之推戴聚衆於土龍城已爲渠率指揮而訓

練之每戰輒勝衆咸服其智勇旣而巴黎城兵變公舉拿坡崙率師往

討曾不旋踵即已帖然衆心益附名且震於朝廷以爲雄才大畧如拿

舊市
拿破崙
意大利國

坡器法之兵事舍彼莫與屬也

法國與意大利國因疆場之事積不相能國會承制以拿破崙為將軍

往攻之時在一千七百九十六年嘉慶元年也拿破崙奉命率師四萬人向

意大利進發而糧餉未充衣履不備又屢困於奧斯馬加所屬之薩諦

尼亞侯國兵然師行所至連戰皆捷不過四禮拜七日為一禮拜大敗薩諦尼

亞國兵又於二年之內與成意之奧兵大戰十八次無不獲勝凡奧國

屬地之在意大利境內者皆附於法國初拿破崙之率師至意也奧國

之君適欲統兵以往法國不意拿破崙兵先至奧國與君是夜行成羅

馬教皇亦欲徵兵以禦拿破崙又為所敗教皇既而免教皇部下之兵

被戮殆盡教皇之府庫倉廩拿破崙一掃而空之意大利北半部之諸

小國胥夷為法國之行省拿破崙奏凱而回巴黎時年方二十九歲法

第五節
拿破崙取
埃及之
聲名

人萬眾齊呼爲歐洲第一大將軍遂無不尊崇而敬禮之矣

法蘭西國會中人私議以爲拿破崙若在巴黎我輩大權必爲所奪因使莽士說拿破崙曰將軍年少氣盛豈宜鬱鬱居此若能別創人所不能行之事則威名萬古矣或又語之曰英吉利與我最近而有違言苟欲用兵宜從英始拿破崙聞之大喜曰卿言正合我意遂乃獨居深念以爲歐洲強大之國莫如英者不先服英不足以遂橫行之志夫英之有埃及實與其雄藩印度往來之孔道也埃及既破印度即不能守印度不守則英不難平矣國會人聞其議僉謂此事重大恐不能得心應手然而拿破崙之在巴黎肘腋之患也不若姑從其議幸而勝則榮光仍歸我等不幸而敗則咎歸拿破崙一人遂爲拿破崙祖道以速其行拿破崙卽率師至埃及先爲詭詞以誑埃及人云凡我所以來非利汝之

土地也欲爲汝等除暴虐之君也整頓汝等之教化使盡皈向回回旨
教也於是長驅直入竟過埃及迤北沙漠酷熱之地而抵王陵軍中無
水衆有怨言埃及者阿非利加洲之故國也開創至今垂四千載諸王
之陵寢皆在名區其俗每禁一陵年必令人繞陵砌石一周迨越六十
年高卽與山等實爲五洲古蹟之冠拿坡崙恐土心之渙也號於軍中
曰三軍之士敬聽予言此四千年之古墓中有神靈默觀爾等之能戮
力否也衆軍聞之勇氣百倍各願決一死戰以顯威名埃及之兵當之
輒靡其北半部屬地盡爲拿坡崙所有此一千七百九十八年嘉慶七
月間事也拿坡崙旣據埃及之北遂爲之重立法度改行政事日漸平
治迄今埃人稱道弗衰謂拿坡崙之治埃實平允公正云
英廷聞拿坡崙之欲攻埃及也知其陰謀夙夜不寐密調將卒以預防

之及聞拿坡崙與師急命水師提督爾利孫爲元帥率師至地中海以
禦法中途阻於大風而拿坡崙先已安抵埃及爾利孫既至沿海搜勘
不見法國一兵一艦法國兵船曾與爾利孫兵船邂逅駛行忽聞英船
炮聲脩然遠引英水師竟不知法兵之在前也任其逍遙而去英之兵
船以曾超越法船而過依然未見法兵及英兵抵亞布其海口分令水
師四出哨探始見法艦停泊處英兵歡噪如雷爾利孫下令曰明日將
與法戰諸將士須各努力苟使英兵戰勝不特本帥膺世襲高爵之榮
爾等亦同膺祿賞戰而不勝本帥有進無退惟願留名於倫敦大禮拜
堂耳

按英國故事大臣有大勳勞於國朝廷必予以世襲之職列於世孫若有功而死則祀其姓名於倫敦禮拜堂以垂不朽倫敦英兵名也

次日英法

交兵爾利孫率其本部奮勇先驅三軍狂噪以繼之法兵敗績法之兵
艦如摧枯拉朽幾於片帆不返水師燭焉此八月初一日事也法之水

師既敗拿坡崙在陸身指重圍叔集燼餘而語之曰水師唯破如能於此時疾趨亞克則東據印度猶可以自王眾皆唯唯於是率兵潛從陸路過叙利亞直指札發海口攻破其城殺人四千星夜北行徑奔亞克海口豈意英將斯美逆料拿坡崙必取亞克先統兵船二艘泊於海角防堵甚嚴拿坡崙知事機已洩難以襲取於是曉夜設謀必欲殄滅之無遺育而後快乃相持至二閱月之久未能得志自念水師既敗陸兵又未能取勝戀戀於此恐有乘其後者遂駕小舟潛歸法國英國雖有兵船密圍海口竟未知拿坡崙之脫去則其機變為何如也此一千七百九十九年^{嘉慶四年}八月二十二日事也他日拿坡崙將死語其所親曰余生平第一失計祇在未破亞克城如昔年能攻而拔之則歐洲及亞洲之印度等國無不隸我版圖歸我掌握我將馳騁五洲爭雄天下何

至有今日之困哉

拿坡崙回國知國會派出之兵無不大敗而歸其先克之意大利亦屬他人而俄羅斯與斯馬加英吉利三國又新共議和連兵甚衆欲得法國而甘心焉當是時也法國外有強敵加兵之患內有王黨與世家播弄其民之慮法京官民上下俱不聊生國會中人亦各分門別戶爭權攬政國家有事則議論紛紜莫衷一是法民知國會中無一有爲有守之人擾攘不休終難持久於是人心思亂岌岌不可終日忽聞拿坡崙回國衆皆知其於數年之內破埃及服意大利掠地攻城戰無不勝實爲當今才能出衆之人衆心皆思推戴有不知誰何人求見拿坡崙謂值蜩蟬沸蕪之時我公不出如蒼生何拿坡崙遽許之卽率健兒數輩直造國會衆方錯愕拿坡崙中立宣言曰法國遭逢兵亂政令無常百

此安窮危亡可待哉今爲爾哲理國政爾國會人可釋仔肩言歸故里矣國會中人本畏拿破崙之權勢及聞是語相顧駭詫紛紛退出拿破崙遂專國政朝野聞事無大小皆一人獨斷獨行蓋自法蘭西立國以來雖大有才力之主從未有如拿破崙專擅之甚者也

一千七百九十九年新曆四年十二月二十五日拿破崙既握政柄首謀與英國修舊好英人不許謂一則法人曾誘各國之民背叛其主今若許其通好日後概失道德並失禮義上下無分各國俱亂一則法人修好不誠中必有詐今雖同盟後終背之一則法國近年欲以一國與各國爲敵今非改從昔日舊章盡與各國敦和好英斷不能獨許拿破崙聞英之拒之也大喜以爲此後與英交戰則非我起既可以謝法民又可以遂其好大喜功之志矣

第九節
拿破崙與俄國之戰

俄羅斯之國君曰保羅平日似有心疾拿破崙知之久矣既爲英人所拒變計而與俄國言和且親見保羅傾之以甘言申之以謬語保羅大悅以爲拿破崙我良友也許與之立和約時則奧國與英國之交仍固結不解也奧人與法人戰英人助之以兵餉拿破崙遂將磨羅統兵至日耳曼境以攻奧國之師連戰而未得大勝拿破崙親督雄師三萬人直達意國攻皮意之奧兵奧人亦調精卒三萬人以禦之法人未集奧軍乘其不備先襲其偏師法兵大敗奧之統兵者老將也年已八十餘既敗法兵遂以爲無恐而不設備且退舍以圖安逸拿破崙與部下議曰我軍雖挫何以爲守禦之計裨將某對曰此戰之忙實由師旅未齊今時未及爾請宜速集大兵并力攻之遂乃重整旗鼓再接再厲前後共戰至十二點鐘六周時之久奧兵大敗幾至全軍盡沒法國國會中人

前此所失之地盡奪而取之凡屬於奧國之炮臺盡爲法占此一千八百
百年五月十一日之事也十二月初三日法將磨羅在日耳曼國成
意之奧兵爲法所破於是奮勇進軍戍日耳曼之奧兵不能禦亦大敗
奧之南北兩路險要盡失其將帥士卒一聞法師之至幾如瓦解士朋
與君束手哈噓別無良策無奈降於拿破崙願受約束并矢誓從法之
驅遣無敢稍違

俄羅斯既與法國連和甘爲法國之助英之所恃者祇奧國耳乃奧與
法兩次交兵一敗塗地遂惟法之令是從英國孤立無援殊難支柱而
普魯士國向惟坐觀成敗者今見英人勢孤力弱乘機蠶食英在日耳
曼之屬地意大利和蘭西班牙各國又皆懼法兵之強拱手聽命俄羅
斯則又與丹墨瑞典兩國同盟丹瑞遂亦附於法拿破崙使使語諸國

曰我等數國兵船翱翔大海恒遭他人稽察今宜合力同心不任再蹈
前轍蓋拿坡崙以萬國公例遇有戰事之際敵船載運貨物潛懸他國
之旗者可令停泊稽查殊爲不便故欲禁止英人且別有深謀也英國
既無他山之助不得不獨力防維又陰知拿坡崙必假丹瑞諸國之旗
私運軍械乃命水師提督賴利孫連率兵船至北海以防諸國因與丹
國戰丹師殲焉盡俘其兵船并獲器械無算此一千八百一十年
月二日事也倘利孫晚年嘗語人云余身經百餘戰行伍之間本屬可
危惟與丹墨戰於歐洲之北則血殷重鎗更所謂死生存亡間不容髮
者也亦可見是戰之猛鷲矣丹國既敗其與英爲鄰者舍法而外惟瑞
典與俄羅斯耳

俄之大臣早知俄王有心疾外交內政往往是非顛倒如果任其所爲

與情布於
邦

第十二節
拿破崙三

則誤國害民端禍宗祚因與在廷諸臣往返熟商援引古人民爲重施
稷次之君爲輕之一言不得已於一千八百一十年^{嘉慶十六年}三月二十三日
給王而欽之立其子愛列珊德爲王愛列珊德既卽位整飭國政之餘
以審慎邦交爲首務遂與英人尋盟重修舊好於是英人爲盟主而布
告各國曰諸君各有自主之權宜各自治其國毋聽他人之慫慂如不
以鄙言爲謬請遵此以立盟則彼此可相安無事矣各國本苦金革之
禍咸欲共敦睦誼英國倡於前各國和於後拿破崙無可如何亦願聽
命諸國乃約期會於法之鴉眠地議訂和約是年十月某日約定卽名
之曰鴉眠和約自此以後歐洲各國暫得息肩矣

拿破崙之至國會也本自言暫理國政及大權在握舉動已無殊於君
上而且英武超羣機謀深遠兩平意大利一平埃及又攻破奧斯馬加

歐洲之勳臣宿將舉無有出其右者其部下大小將士一經拿坡崙之指揮操縱亦類能摧強敵而克堅城及問其年則僅三十三歲耳故法國人民敬之如神明畏之如保傅而其治國也當太平無事之日立三又舉公行政又最善用使法蘭西種亂之國重時雍熙故每下一令百姓懽忻鼓舞相率遵行及鴉眠締約以後優游閒暇益復整頓庶務脩政常規興利除弊知無不爲拿坡崙本不以天主教爲重海經喪亂教士盡失其權無人敢爲之申請拿坡崙謂治國者不能外乎教化遂特沛殊恩重整教會又立禮拜日士民安息學道之例教中人大悅其所布之條教巴黎都會雖有梗之者然外省城鄉各處之人無不踴躍聽受其興復學校也雖不能令人人識字知書然能加意於大書院故一律整齊修潔小民喁喁漸知向學其斟酌賦稅也亦一律使之平允無

舊日畸輕畸重之殊至拿坡崙所立之法既非法王昔年所定之苛政亦非當日國會所改之新章調劑於新舊之間變通而損益之人皆服其公正又念巴黎人之胥動浮言者由於遭亂而食貧也思設法以安輯之遂乃內脩都城外疏河道又築石路以通車轍大工屢動不以妄興土木爲嫌巴黎無業游民緣此皆衣食有資人心漸定拿坡崙又招集流亡昔日法之世家因國亂而逃避他國者今則悉召之歸務俾各安生業從前入官之地今亦一一發還世家亦大悅先是法國政令風俗各省多不相同甚至一邑之微亦各自爲主宰至是新定律例使通國劃若畫一悉泯異同益復室家安堵民慶更生矣

法國大亂以來烽火不息者九閱寒暑法之風俗政令緣是大爲變通英國與法爲鄰流風所被亦多改變卽以兵船而論昔日不過四百艘

者今則增至八百艘可載水師十二萬人且古兵船水師之盛無有過
於此時者及考法國之兵船較之昔年反減其半英國陸兵昔年額應
八萬名今則幾增至五十萬名法國陸兵前則額設二十七萬名今增
至一百萬名統計法國水陸兵餉改章之後年費英金二十二兆鎊英
國水陸兵餉年費六十兆鎊法之國債舊欠者全不認還新欠者英金
五十五兆鎊英之國債前祇負英金一百四十四兆鎊者是時增至四
百八十四兆鎊所幸懋遷有無者亦較昔年爲盛昔之出入貨物不過
值英金四十兆鎊者今則增至七十兆鎊夫英國之與各國緊權地方
初何嘗少有上下哉乃忽焉而蓬蓬勃勃如釜上氣者則以在上之人
於講求商務整頓市情之道運以精心貞以毅力也法國則自遭兵燹
民多失業商務未能振興兼之無業游民日多懶惰故貿易場中生財

之道幾於漸滅殆盡矣

英法二國雖已訂約連和然拿破崙心殊快快也恒於其間窺食歐洲
新地英國知其必將寒盟故前者遣戍埃及與地中海沿島之兵既不
撤防且更徵令嚴加防範又屢託各國報館代錄英人之議論於報中
指斥法國行事爲不平不公之尤拿破崙見之雖甚不悅然猶強抑雄
心陽託乎息兵安民之說又閱月圖二十度英人絕法國之好不與往
來遂於一千八百三年^{嘉慶}五月兵端重起從此相持十二年之久兵
連禍結歐洲幾無寧宇矣○英人之雄據歐洲也意在保全各國不受
法人之凌侮初無自私自利之心拿破崙則以爲英歐之強國也我能
服英則他國失所倚畀各惟法之命是聽法可泰然爲各國之主各國
俱知之旦夕戒嚴以防不測其時英俄久敦和睦瑞典倚於俄與英自

無違言奧國中遭法敗深畏法國之強徒以無力抗衡不敢明與爲敵而心則終不能甘冀英俄之破法兵已得脫離羈絆故其助法也仍懷坐觀成敗之意不免首鼠兩端其西班牙意大利和蘭瑞士及日耳曼境諸小國與法頗相固結然亦徒畏其威而非感其德也普國則中立於英法之間欲視其強弱以爲向背繼而信拿破崙之讒言遂設計傷占日耳曼境之英屬漢落非地後或悔之然既取而不願還又恐英人之報復勢不得不依於法此歐洲當日各國離合形勢之大畧也

英法再失和頗欲謀定而後戰拿破崙急欲服英以威各國而又恐不能必勝獨居深念得一巧計先在法之北岸密調精兵十五萬潛藏軍

械載以大船二千艘謀取道於英法交界之海濱

英法二國以海濱爲界其寬處相距約華路一千

里窄處僅二百里耳

渡登彼岸以攻英之陸師而徵西班牙國兵船六十艘護之

然恐英人知而攔截法水師不能抵禦也思誘英之兵船先至西海然後通橋而下謀既定飛諭法國各兵船揚言渡往西海攻取英之西印度英提督賴利孫不知其狡計忽見法兵渡海急率兵船轉舵而西法船主將急於見功駛行不遠旋又折回賴利孫瞭見敵船東返訥知其詐遂調快船飛與奔告於英英國既駭且怒羽書馳召在英各兵船不論駐防遠近悉數趨往半途要截法兵船遂與法師戰於海大破之法船之未遭摧毀者狼狽遁回餘船二千艘既無保護無一敢載兵過海者

英人又患法國欲用各國兵船以救應也或獻策曰兵法制於人不若制人各國兵船之敢助法者我英宜示之以威謂宜先用偏師攻破各國兵船則法勢孤矣從之提督賴利孫休兵三閱月至一千八百五年

嘉慶十年十月二十一日，張帥蘇以先驅追拿坡崙所徵之各國兵船於日
斯巴尼亞國西班牙南角之他發加海面，英之將士奮其武勇，血戰凡八
十餘日，無日不聞金鼓之聲。英人一以當十，各國水師全軍覆沒，兵船
雖眾，幾於片板無存。英人大獲全勝，齊奏凱歌。而主將彌利孫心力交
瘁，轉瞬身亡。彌利孫既亡，赫赫之名流傳於世。英人至今稱之，咸謂彌
利孫首破拿坡崙之計，使法兵十五萬人無一敢於過海。又破各國兵
船，使眾人知英國水師勝於各國。又使法國自此以後不敢再與英戰
於海中。雖以拿坡崙之狼狽狡猾，亦不敢以水師再攻英國。然則是役
也，誠歐洲海面絕無僅有之大勝也。

拿坡崙調兵欲平英國之先，法國臣民盛稱其功業，羣情愛戴，共立為
法國皇帝。故拿坡崙侈然自滿，以為既居尊位，宜合歐洲諸國為一統。

此時之懷化者惟英國英人若降心相從則
水陸之師兼召同洲諸國厚集兵力屆布陰
爲英敗拿坡崙尙在軍中坐待捷音忽聞警
敗則於英無所施其技法之霸國中道喪失
英海不成之兵敗歸入葡因河以圖自固其
役也所向披靡真拿坡崙生平第一戰績此
拿坡崙之定奧也知與人外雖服從中懷匪
動與國果不出拿坡崙之所料預儲精兵八
論之曰若聞法人兵敗不必聽候朝令星夜
之展拿坡崙銜之而未發也今者適敗於英
向奧境進發與國賊乘邊疆之總理大臣猶
爲法入未必能知其計

也不謂拿破崙於四十口之內續調法國兵八萬名會合前隊勢如洪水滾滾而來奧兵八萬名困入重圍欲逃路與提督馬克自刎不敵而又無可爲計即日高懸白幟全師降於軍拿破崙遂直趨奧之維也納京城按奧京名曰維也納與京中糧糗器械盡爲兵所奪

俄羅斯聞有奧警急欲遣兵救奧及聞拿破崙已入奧京以爲法兵業既身入重地奧斯馬加諸人民之不服者必當蜂起以困之我率與國之師攻其外奧之遺民殘卒擾其內拿破崙如釜中魚腹中鼯矣於是俄皇愛烈珊德親統雄師以救奧與國京外各省繁師殘卒紛紛來助俄兵普魯士國平日雖面從法皇然因受法之欺凌恒思報仇雪恥今聞俄兵大起亦潛調雄師期合俄助奧以破法拿破崙聞其謀率師駐於澳特利司伴爲受困狀實則澳特利司者奧國之廢邑也用兵之際

易於設伏兼可雄視敵人據高屋建瓴之勢法皇先古之以待倭皇
俄皇率師遠來不諳地勢且聞法皇之受圍也卽命蹕踪至澳特利司
拿坡崙登嶺窺之歎曰豎子無知乃竟入絕地哉夫用兵之道如奕棋
之布局也一子有失全局皆輸俄皇非吾敵也及見敵兵掠法壘而過
親督士卒開壁大呼拿坡崙身在行間指揮調遣動中機謀一戰而各
國之兵如枯葉爲疾風所捲大敗而逃傷亡不下三萬人俄皇愛列珊
德素亦以知兵稱及與拿坡崙戰終不如其謀勇兼資也此一千八百
五年^{嘉慶十年}十二月初二日事也俄與之兵既敗無奈求和於法法勢益
張初英之相臣暨特游說各國以連橫之策抗拒法人嗣又別運機謀
與俄國訂立盟約謂如俄國能與師攻法則俄人出兵十萬名英當出
金錢一兆二億鎊助充軍餉以爲此計若行則法必矣不料初次連兵

竟在澳特利司大爲拿坡崙所糾譬特既懷中恨僅開數禮拜西俗以次禮拜日爲一禮

拜過悶而卒
普國平日常受法國之欺凌怨恨之極無所洩及聞法師在奧各國欲連兵以困之道於是月十五日與師助俄國諸國以敵法蓋是時尙無電報軍中消息罕得靈通也及統兵大臣行抵奧國維也納都城始知澳特利司血戰已過各國皆敗而求和不釋大懼遂以便宜行事隱其發兵助奧事而隨各國之後亦向法皇求和豈料拿坡崙早已探知之今既求和固無不可而鄙視普國之心尤甚決計滅而取之故此時拿坡崙雖在澳特利司與各國同盟然甫閱數月則又動干戈矣○普國助奧不及既未交兵匿其隱情而申其睦誼拿坡崙乃更虐待普國普人不能堪舉國譁然皆欲起兵以攻法普君以不能拂民情之故不

度德不量力冒昧進兵夫以弱小之普國用此不習征戰之鄉民而又
武畧未嫻兵額未充遂欲與歐洲強大之國決勝於疆場是猶螳臂之
當車也雖有智者不能善其後況乎拿破崙久有鯨吞普國之心徒以
立約未久猝難渝盟耳今普國忽爲戎首是法人師出有名矣法皇遂
大喜遂命興師禦普普國又素不甚以兵助他國今求助於他國他國
徒袖手作壁上觀於是獨力支其進法軍於遮拿城下書誓戰法又另
派一軍赴奧兒斯打隘口阻截普兵歸路兩軍相持數禮拜拿破崙大
奮神威攻入普壁十盪十決遂大破之普師八萬人或死或傷或遁或
降無一生還者此一千八百六十六年^{嘉慶十一年}十月十四日事也普之炮臺軍
械盡爲法有乘勝直逼普京倉廩府庫搜括無遺類普之官紳士庶法
兵視之如仇讎以視昔日之勝他國尙有寬厚待人之處者直同霄壤

普二十餘
歲坡大
意國斯京

日既躋普國賢王之墓取其陳設之禮器珍玩而歸

按普有賢王生前善行不廢私學及卒百

姓思之於製禮器珍玩獻於墓前以表士民思之愛敬之情

又語普之世家云我欲使爾等行乞以度日

我欲使爾等通國全聽命於予一人其他殘酷多類此普人貌雖不能不從而心中之痛恨則與法不共戴天矣

普與二邦既蹙其能與法為敵者祇英俄兩國而已英國前此雖殲法

國之兵船然尙未能與之陸戰是時歐洲陸路之兵惟俄羅斯差強人

意或可與拿坡崙一決雌雄耳○普國既滅而民心不服時有怨言拿

坡崙知之雖值隆冬天氣依然不肯息兵遂又親統大兵十萬名取道

東北境以攻俄國一千八百七年

法曆十一月二十二日

嚴寒未解雪滿征途初

八日法兵至哀畧與俄兵遇遂命開仗自清晨至於薄暮勝負未分旋

計兩軍中殺傷死亡者不下五萬人日落廣洲始罷戰他日有俄將壽

一千八百七年

嘉慶十二年

拿坡崙年祇三十九歲耳而歐洲人民咸推爲

薦乃不數年間而驟登帝座且爲歐洲第一大有爲之主無論何國之

君或應卽位或應撤位咸決於拿坡崙之一言各國治民之法咸稟命於拿坡崙舉無敢稍有違阻者且拿坡崙不但熟諳船畧已也兼極有辨才每遇議論大事滔滔不竭使人樂於順從卽以俄皇之雄武初晤拿坡崙一聞其言論亦居然受其籠絡推尊之在萬人之上嘖嘖焉傲服不置則其才爲何如哉○奧斯馬加國恨法甚深仍於暗中設計欲圖治墨而未敢昌言爲敵其次則有普國必欲圖報前仇惟土地已半削於法心雖不甘力終不逮至於意大利和蘭并日耳曼境諸小國則不敢不惟命是聽若丹墨若西班牙若葡萄牙縱有兵船亦俯首而受法之約束其能與法皇旗鼓相當者祇一英國而已○拿坡崙當志得意滿之時深恐各國舊君都非心服一旦有變必喪霸圖若分封其宗族親戚與夫親信之大臣使爲各國之主則如手足之捍頭面法可安

如磐石矣。於是命其姊婿某爲意大利所屬之拿坡螺獅王，封其弟爲
意爲利蘭王，約瑟爲西班牙王，葉落密爲日耳曼列邦中之威士法利
亞王。其季弟劉錫恩平時議論時與相左，故拿坡崙不敢封以國。又以
劉克小國子其長姊伊麗薩，以瓜薩他拉國子其次姊寶玲，以日耳曼
列邦中之巴登小國子其后之姪女。其他如義子某則爲之取巴哇利
亞王之女爲室，又封其將軍被拉多特爲瑞典王。拿坡崙意以爲似此
分茅胙土，各人既感我之深恩，可冀屏藩法國也。不意法之宮中竟有
識見超羣者，彼何人斯？拿坡崙之母也。謂法皇所用之策全不可行，且
萬萬不能持久。故自得志以後，餘事都置不問，惟向拿坡崙索取常俸
廣蓄金錢。或有以華華爲利請之者，則語其子女云：爾等卽貴居王位，
終難久享。倘異日失勢，必仍賴我之財以供衣食也。當時皆不之信，孰

意拿坡崙兵敗被執兄弟姊妹親朋無不冰山失恃與其母之言一一
若合符節哉○拿坡崙屢攻英國屢不能勝默計英國之盛多由於商
務之通若阻遏英之貿易則英國自亂而平英不难矣於是法皇下詔
各國不准與英國通商英國聞之亦下令曰凡各國欲聽拿坡崙之令
而不與我通商者我即不許其國與他國通商各國畏法之威而不敢
抗英國雖有是令仍不敢私與通商英國遂查照英法舊例視他國爲
先已示戰之國不論何國商船如搜出夾帶貨物船則扣留貨則充公
人則定以死罪法人則在普國之咸堡海口某民家搜獲白糖少許即
照倫運私貨之例拘獲其人以洋鎗擊而死之但英法兩國雖禁止私
販事事從嚴而各處之私自貿易者仍復不少兼之拿坡崙外雖嚴禁
仍准大商繳納巨金而給以憑票即許公然貿易統計所得運貨殆憑

第二十二節
萬曆年
葡萄牙傳

之財不下英金十六兆鎊。法皇得此鉅款，乃不歸於戶部，而歸於兵部，蓋示將以爲兵事之用也。

法王頻屢用兵西班牙，葡初非法之藩屬，而樂助法人兩國之軍。葡庫財皆聚，法皇主政，漸西班牙兵船助法之役，與英師戰於海中。英將霍利遜一鼓而殲之，拿坡崙欲伐俄羅斯，又選西班牙之陸路精兵與俄師一戰於哀畧，再戰於飛騰，皆東北極邊苦寒酷冷之域也。西班牙人生長於和煦之地，當此積雪漫歷，堅冰在鬚，又有強敵在前，殺傷凍餓而死者不可勝計。而西班牙不敢有怨言，葡王本與英國通好，有年，徒以法皇之逼，以與英國爲讐，甚至英人之旅葡者，葡王亦受法皇之命，嚴行驅逐。英人之財產悉數籍沒入官，然則西葡兩國之於法國，可謂奉令承教，曲盡事大之禮者矣。然法皇之心，猶以爲未足，先

在法之南境與西班牙葡萄牙交界處新立一國而封其親信大臣爲王鎮之以重兵而初未謀之於二國實逼處此儼然有併吞侵占之意葡萄牙王大恐航海至南阿墨利加洲之屬地僑居於巴西國以避之西班牙王不甘退讓拿坡崙則迫而去之遂以西班牙國全境封其弟約瑟爲王

第三十三
英將惠雅
吞平師至
西村

西葡二國遺民以已國初非法屬乃拿坡崙先則示之以威迫之以不得不從繼則無故而兼并其地心咸不服故乘法皇欲舉兵以攻北歐洲之時南歐洲之西班牙人立時反正公舉統帥以拒法人欲使法一人一騎不能入境但自顧國小勢弱不足以臨大敵旋奉降箋於英吉利乞師以爲聲援英人念前與法戰祇用水師陸路則僅以兵餉助他國未嘗親與之對壘今又值法國敗俄聲勢駸盛深慮難操勝算然法

之淫威有加無已若不助西班牙一臂之力將來貽害歐洲何可勝道
於是決計與師以惠靈吞爲將軍率師一萬進屯葡國爲西葡二國之
聲援惠靈吞既至遂於一千八百八年嘉慶十三年八月二十一日與法人聲
於非彌拉法人人敗初惠靈吞屢與法兵戰相持至六年之久咸疑其
曠日持久至是始得摧法於葡萄牙法之將士不敢出營一步談兵事
者皆奉惠靈吞爲大將軍謂其英勇智謀舍拿坡崙之外莫能與之和
顏顏也惠靈吞之用兵也恒列各營作長蛇陣受戰之時敵兵猝至可
以全力禦之拿坡崙則恒以精兵分作數層苟其得勝後兵自兩倍奮
如或一營失利則萬眾無不驚潰此其所以遜於惠靈吞也非彌拉之
戰實爲英法二國陸路交兵之始惠靈吞既獲全勝即與法將四瑞立
約迫令其師退出葡萄牙境外法將無奈允從然未嘗一日須臾忘葡

事故卒未退兵○惠靈吞既勝法兵與法將訂退兵之約旋以約章寄呈回國英國執政大臣時尙未能深悉葡人之事謂惠靈吞與法國所立之約中有一款未合機宜遽解惠靈吞兵柄檄調回國改命穆爾爲將軍增兵三萬人令深入西班牙之地追襲法兵不意法皇拿破崙時正親駐西班牙其部下有精兵三十萬人虎視龍驤威聲遠震穆爾聞之知難取勝一千八百八年^{嘉慶三年}十月間全師而退法兵整旅倍道狂追及之於利隆拉直壓英兵而陣英之將士不得已竭力回戰雖幸而敗退法之一軍然穆爾即陣亡於此此一千八百九年^{嘉慶四年}正月十六日事也○穆爾既卒接統英兵者默計法人雖敗而兵力甚厚必復窮追我軍新喪元戎豈能抵禦急率大軍星夜退回英國海口英人大失所望遂謂英國之師祇能與法國戰於海中若在陸路鏖兵徒使三軍

之血肉膏法人斧鑕已耳○英國厚集師徒往援西班牙葡萄牙兩國
之時消息傳至奧國舉皆喜不自勝以爲即使我國無兵無餉而乘此
機會英人攻其南我攻其北法人腹背受敵必不能支從此風掃雲驅
立夷法國之宗社大仇可報前恥盡雪於是士民人等皆願戮力行間
英人知之助以兵餉與人更密星速成軍拿坡崙時正追逐英將穆爾
於法之南境一千八百九年^{嘉慶十四年}四月初一日謠報奧國與師來攻北
境拿坡崙衣不及甲馬不及鞍疾趨而北沿途以羽檄趣召散集各處
之軍而念道阻且長雖使期限嚴切恐未能賦同袍同澤之詩豈知衆
服拿坡崙之號令虎符甫到壯士皆袒臂而起未及三月士卒雲集檢
視軍籍已有三十萬人似此神速即拿坡崙亦謂始願不及此也移營
奧營詰朝相見奧人大驚以爲飛將軍從天而下不覺神沮氣喪勉強

支揀甫及匝月法兵又破奧國維也納京城奧人憤怒填膺仍與法國竭力決戰拿破崙親臨前敵指揮機宜再歷百日之久奧人始不敢逞說者謂是役也若以他人爲將帥則斷難取勝矣拿破崙既勝迫奧爲城下之盟割奧地五分之一以爲法國屬邑仍割令賠繳軍餉無算猶以使之貧窶不克自存也又令養兵不得過十五萬使之日就孱弱猶以爲未足徧墮奧之城垣俾之進無所恃者退亦無可保奧國無可如何一一性命是聽然其痛恨法國之心則日深一日矣○是年四月間奧法相持正急英將軍惠靈吞以率師二萬人至葡萄牙境務在驅逐法人使不得盤踞葡國然法兵之駐守西班牙葡萄牙交界之地者尙三十萬惠靈吞部下之兵曾不及十分之一衆寡懸殊又未便知難而退於是選調西葡二國之兵日加點練以壯聲威而兵數仍不及法究

我師然後纔可以嚴退可以守也葡境有股累斯非特拉斯者前枕葡
葡牙之內山後臨海口既有險要可扼英軍糧餉本從海道運來駐軍
於此兼可以保運道且萬一失利即由海道退回英國不致大受傷殘
旋命移營扼駐又就內山之前各險隘徧築炮臺分爲一二三重門戶
大營益臻穩固立足既定惠靈吞統兵前往西班牙邊界以嘗敵法人
以兵來迎惠靈吞即退屯於布薩科布薩科者林密山深既使重兵又
可設伏亦用兵必爭之地也法人進跡而至惠靈吞率師禦之敗其前
鋒法人乃退惠靈吞以法未遭大挫必將恃其兵力之厚整大隊以壓
我布薩科雖有險可守但難拒敵仍退至脫累斯非特拉斯未幾法將
軍瑪孫納率眾長驅而至踰布薩科攻破各炮臺進逼脫累斯非特拉

斯乃正當前山險要之處真有一夫當關萬夫莫開之勢法兵不能關
入遂駐師山下謀以重兵困之絕其糧餉英兵必潰及兩至數禮拜之
後漸擬英軍中乏食定將饑疲思遁就意英之糧餉早從海口運來法
兵據守前山之下與英軍毫無損礙而法兵則食指其繁盛運餉之路既
極崎嶇山民又難以饋食反至大困不得不急謀退兵一千八百十年
五月嘉慶十年十月某日法人全師皆退惠靈吞旋鼓行而前屈計惠靈吞自
與法人交兵以來此爲法國退兵之始從此法則步步退守英則步步
進攻法兵之在西葡兩境者永無前進之事實惠靈吞既得志於是也
奇制勝以擾法人歷一年有餘之久追奔逐北葡地遂無法兵之踪跡
英軍進屯西班牙葡萄牙之邊界盡逐法國駐守炮臺之兵竟奪炮臺
三座而據之嗣又追至沙拉蠻克連破法兵即在沙拉蠻克小酣數日

卷二十四

金史紀事本末
卷二十四

惠靈吞隨振旅直入西班牙之京城西京人見其旗幟帶近
獲更生然西京雖獲西班牙國內法兵甚多猝難驅除淨盡也此一干
八百十二年七月事也

是年春法俄兩國所立和約已闕五年法自忍強逼俄以難堪之事俄
自不許初法皇以欲各國能與國體未及法餘皆固敢與法抗衡乃
俄羅斯恃其強大不甚忌對法國之雄勢此可忍孰不可忍至是又有
違言遽命起兵伐俄索償又思凡有國者皆以京城為根本根本動
搖枝葉自望風披靡今伐俄國莫若直攻其京城既得俄京盡取俄地
則英在歐洲勢成孤立不能與我法爭強矣惟俄京地大物博俄人又
以驕悍稱非若攻伐他國取之易於為力法國今令屬國之精兵共有
一百二十五萬人若留兵一半以守法京兼備各國於事當可無患遂

分命各路軍營各調其軍士之半擇於一千八百一十二年嘉慶十六年六月

二十四日集於昆連俄境之法國邊疆以伐俄國起程時法皇親爲元

帥共計部兵之隸法籍者三十三萬有奇其隸奧斯馬加意大利波蘭

瑞士和蘭等諸屬國者亦二十三萬有奇合六十七萬八千人蓋自古

以來重客之盛兵數之衆未有如此役者也後人因稱其屯兵之地曰

大營○至斯法軍大隊渡離門河遂入俄羅其境法皇躬執鉦鼓大

三軍見其英勇起羣欣然色喜以爲余一人四征不庭攻必取戰必勝

然三軍之士雖有如茶如火之觀而精壯猥盛則皆不如今日今則投

鞭可以斷流一飲馬而離門河之水立涸俄雖自以爲強國豈敢與我

爭鋒哉豈料數月之間其君子化爲猿鶴其小人化爲沙蟲六十餘萬

貔貅之衆竟多死於異域哉○俄羅斯聞法國之起兵也謀報兵數之

衆我皇有懼色或獻計曰法軍遠役而來饑道艱難轉輸不易一旦土
有菜色因糧於我爲患深大莫若行堅壁清野之法先率本國民人凡
昔日郊外之露積餘糧盡斂入保牲畜亦毋得牧放於外民或不遵及
藏而未盡者命兵卒悉取或覓什之一石則法兵到此野無所掠饑渴
從我人愈衆糧愈乏也從之法兵既入俄地無拒之者而赤地千里絲
毫無所得後軍之遺餉者輜重委頓不利進行加以嚴擾依然緩不濟
急法皇見此情形權宜減發額餉未幾而軍無見糧士不宿飽及至沙
磧之地微特餓無以爲食抑且渴無以爲飲天氣又逢炎熱死聲四起
兵丁以尋食爲名往往散失不復回營其不能逃者人多氣難喘暑蒸
騰疾病繁興醫藥不給沿途或病或餓死亡枕籍牲畜亦倒斃無算師
行所過白骨盈野及至俄國木司寇都城現存法兵祇有五十餘萬人

其半或爲道殣或爲斷頭將軍慘哉當法兵之未入木司寇也俄人尙不甘退讓九月初七日與法兵戰於波羅訥諾兩軍相持不分勝負然俄法之兵共殺傷至十萬餘人之衆亦天壤間兵禍所未有之慘也俄軍既退雖不自以爲敗然不免有怯敵之心次日俄皇與其臣民紛紛遠避法皇大將沿途中雖屢遭艱難今木司寇俄京唾手而得從此休息土馬並享平安則所謂失之東隅者大可收之桑榆也法之將士亦各欣欣焉望於是長驅而入又豈料俄皇預定巧計凡京中府庫倉廩人民積聚亦仿京外清野之法盡載以行其重墜而不能遷移者則到處先伏火種法皇率衆入城但存空城一座正在徬徨無措之際又報四處火起頃刻間紅光燭天全城房屋焚燬一空法兵一無所獲法皇至此始知中俄皇之計幾於無地自容幸後路運糧已有到者飭俄駐

守至五六禮拜之久意欲舍之而去則心實不甘意欲整頓安居則城中空空洞洞倉庫燼灰燼而外無長物又兼俄地早寒秋末冬初冷氣凝霜法人不能任受不得不尋謀班師拿破崙遂下令於十月十九日起行迨至重慶軍糧祇存十萬人耳而俄國則兵精糧足久已以逸待勞俄兵生長朔方嚴寒又非所畏一聞法國退兵之信四路追襲其後法兵急於歸家各無圖志難以拿破崙之善於將兵亦遂束手無策斷後之師屢爲俄兵所敗於是法之敗兵日少一日俄之追兵日多一日法皇拿破崙傳諭嚴陣以待則自斷後乃部下親兵又盡爲俄人所殺於是全軍相率狂奔有離大隊稍遠或遺失在後者盡爲俄人從中邀截而殺之法兵乃相戒不敢分行未及數日寒信大至雨雪載途法軍之凍死者又不計其數

按俄國地處東北嚴寒之際其寒異常以陣至處可須短縮三十里中國以北京爲最寒然北京之寒暑較俄

降至盡處
爲止耳

策之需夜奔馳心緒愁恨腹中餓不得食甚至有一日而死
亡至數千人者似此慘無天日歷觀史冊所載古今極大苦難之事未
有至於此極者也且更有苦而益苦者法兵退至俾爾西納河俄皇早
於河畔之內山暗架炮臺分兵埋伏當法兵半渡之際炮臺鳴炮狂轟
聲如珠連彈如雨墮法兵不死於火即死於水號哭之慘幾震雲霄聞
至次歲春融於冰窟中撈獲屍屍計一萬二千餘具云十二月十三日
法兵始全數至離門河回憶出兵時之軍容謂爲自古無匹者今則檢
點殘軍不過八萬有奇且其中尚有法國近派迎接拿坡崙及半途墜
附之人非盡當時在部也故通盤計算之下六十七萬八千子弟中得
慶生還者實屬寥寥無幾此真自古至今罕有之浩劫也

拿坡崙伐俄之役大敗而歸說者謂勝敗亦兵家常事耳然而關繫於

全局者甚大蓋伐俄而法勝則法國遂可雄長歐洲法敗則各國俱有喜色以爲法之情銳旣喪若諸國羣起而攻之法之危亡可立而待法破則各國可相安於無事矣俄國此時雖敗法人亦明知目前萬難罷兵謂若一圖苟安則法國傷額旣定再起兵端仍難保太平之局也於是定計連合各國之兵務欲追獲法皇而後已考年來日耳曼境中之普國不但城郭人民盡遭法之殘害而且驅其士卒暴露於外戰死異鄉故其君臣上下仇法最深今聞俄國運兵之策普國首先允助奧國雖與法世仇極欲助俄而餉項盡遭法奪兵額又爲法限恐難爲力英國知之慨然許助軍費十兆鎊又有瑞典國者雖係法之舊屬至此亦不得不助各國以興師惟丹墨國及日耳曼境中之各小國尙助法人然法但恃衆小國之助豈能敵各大邦傾國之兵法之危險未有甚於

此時者也

第二十六

金坡嶺退
位於
作

初拿坡嶺之出師也每發捷報回國往往虛張聲勢今大敗而回知難
粉飾盡以實情宣告於衆法人雖父哭其子兄哭其弟猶以拿坡嶺平
日能軍此次之敗限於天時地勢之不合非盡人謀之不臧故仍願助
以兵力拿坡嶺連傳令集兵不意國中少壯之人以及身材長大合於
年貌之例者以連年之鋒鏑竟皆不能足額拿坡嶺乃改定章程凡足
年十七歲以上者及身長已及英度五尺一寸者皆入選一千八百十
三年^{嘉慶十}四月某日成軍拿坡嶺又得兵二十萬人仍親統之星馳至
厄爾白河蓋法皇之用兵也以先發制人爲長技今故乘各國大兵未
合先率兵以攻俄奧之兵拿坡嶺本非常之人此次雖以未遇大敵之
孺子充行伍亦能戰勝強敵於是俄奧二國遣使至法營求罷兵法皇

正與之要約而未定也俄又與普合兵率其精壯與法師戰於累蒲西
法究以兵弱之故連戰皆北無奈退出日耳曼境時英國已集精兵十二
萬人觀釁而動前議以爲德意藉英之名將也結綏從戎大小數十戰
未曾敗北愛會以爲大勢難違故法之西南境而列國之兵不下百萬
環攻法之京北境步步爲營意圖拿坡崙於法京東北之軍與英西南
境之師相連也拿坡崙被圍束手無策連日出兵無不敗法之
諸大臣平日極奉順法皇者際此時勢急迫不得不聽各國之命於是
強逼拿坡崙仍讓位於舊日王族魯意王第十八諸仇國遂執拿坡崙
而歸○拿坡崙被執之後深恐他人加以殘害爰欲自裁皆爲人所救
止殊不知列國待之甚優仍尊稱之爲法皇議定每年額給英金十萬
鎊約合華銀四十萬兩資其日用並准其隨帶法兵四百名爲之護衛而放之於意

大利國通西之愛來巴海島此島與法皇墮地時之利西嘉島爲鄰殆取其水土相宜之意歟○是時法國民心大變皆以法皇平日窮兵黷武不但屢次敗北即幸而戰勝亦皆不免死亡以致國中之少壯紛紛身死異鄉痛定思痛各懷憤恨拿坡崙知之被執而後又恐遭國人之賤害往往微服潛行卽有重大之事亦不敢公然行走此一千八百十

四年

嘉慶十年

事也

第二十七
拿坡崙
回法

拿坡崙既至愛來巴島考其疆宇周圍不過華路二百里雖視此島爲渺沐邑尙嫌其小及住居九閱月後該島之事皆已查訪明晰旋命築造宮室脩治道路通設自來水管其傍有一小島本非愛來巴島所屬拿坡崙又以計擡而占之科其民以重稅島民俱不肯允拿坡崙以爲天下英雄莫如我者今乃鬱鬱居此號令不能行於一小島是則辱之

其者故雖開辦各事不過示人以此閒樂不思蜀之意而其心未嘗須臾忘法蘭西也爰訓練其部下之親兵四百人日用漸形不足或有人與之談歐洲事拿坡崙卽佯爲不欲與聞且云他人之事我不能問我祇料理我之房屋及牛馬雞犬而已○拿坡崙被執而後法國立舊君之族魯意第十八爲王法人皆踴躍歸附旣而各國之君約期會於奧京公議拿坡崙昔日侵占各國之地應歸何國管領屆期各國之君畢集皆欲索還舊地而竭力以平法亂之國則皆不願以爲我等平日勞師費餉竭盡心力始得平拿坡崙之難今各國人皆欲反其侵地則我等勞而無功諸君則安坐而享其成也有是理乎於是各有爭奪土地之意忽報拿坡崙已由愛來巴島逃歸法國諸君相顧失色惜拿坡崙之在愛來巴也初教練其士卒繼乃漸增兵及增至一千人又私得

小舟七隻詢知法國雖立新君然其中亦有人思念舊皇者於是拿坡
崙謀歸私行回國之策一一俱已完備擇日專設盛筵延徧島中官納
止而觴之又請其母與其姊登堂同爲東道主人人以其爲西例固應爾
也而不知拿坡崙嘗未入席之先預遣糧兵一千人陸續登舟飲未及
半既故入內徑出後門如飛而至海邊步入舟中揚帆返國島中人初
不及防也拿坡崙既至法國法之新君知不能敵讓位而走國中新立
諸法度盡如浮雲之散於太空法之新用大臣亦多迷遽時則各營兵
士仍服拿坡崙幟而下而拿坡崙之舊臣既受新君命意王第十八之
命自不願再從拿坡崙無如拿坡崙勢才無礙衆大臣聞其議論各已
心無主宰先後皆稱願爲舊主我皇不念舊惡仍賜錄用法之舊將
軍曰內先曰臣服舊意王第十八當將開拿坡崙潛回之際內即奏旨

通二十八
今改稱
維新之政

亂法國者拿坡崙也臣曰君必鏹之於鐵籠使不敢再遁請君無憂皇
知內將軍既見拿坡崙一語投機不免自由依然心悅誠服又有兵部
尚書曰東初亦不肯服拿坡崙既而東尚書欣然悅從或問其故殊不知
自覺也惟法民俱以拿坡崙性好弄兵殘民以逞今又回國必仍不免
於干戈無如各營之兵皆已歸順民間無可如何耳

法皇重掌國權仍調各處之兵整肅前此列國之君皆知無能為役於
是各釋爭地之嫌重尋前好仍連各國之兵約百萬人以攻法必欲再
執法皇而後已但各國之兵散歸者數月今又調回應需時日祇有英
將軍惠靈吞之兵尙駐法之北界比利時國又有普國將軍捕魯車之
兵亦未遠離合兵約有二十萬然皆不知拿坡崙從何處出師不獨英
普二國之兵未能連合即惠靈吞之師兵亦須四路嚴防勢以分而力

轉法之精兵則有十三萬拿坡崙自將之乘英普未能合兵之際欲先
攻主帥之親兵暗合兵法擒王之意從此勢如破竹其餘不足平也遂
先敗普兵於尼利又命內將軍率師至加特拔迎敵惠靈吞是散之英
兵惠靈吞率其部下勉力支持而後召分防之衆速赴前敵翌日交兵
自晨至暮各告奮勇傷亡相當未分勝負既而英兵四至內乃知難而
退是時惠靈吞有衆六萬七千人其籍隸英國者祇二萬四千耳餘則
爲比利時及日耳曼列國中漢落非之兵法則有精兵八萬人惠靈吞
知不能敵爰自加特拔漸退至滑鐵腰其意蓋以爲一則滑鐵腰有險
可扼利於行師一則退兵駐於中路可近漢落非兵而易於合圍也遂
一面在此紮營一面飛召漢帥前來接應拿坡崙亦知惠靈吞之計火
速催兵鼓勇而前欲乘英兵單弱之時先行擊退及至他國來救亦足

收先聲奪人之效且此役也較之平日之戰尤關緊要法國當將危兵
寡之際忽集大兵頗非易事而戰而勝法仍爲歐洲之雄國戰而不勝
則一蹶不能復振然則戰之勝敗固已法之盛衰矣法兵既至見英
兵營於小山之上山頂有二屋既可據作炮臺又可爲兵士之屏蔽法
師營於對面一山巔中有山谷以爲之界惠靈吞瞭見法勢正盛起召
普兵以爲聲援本營則堅守山巔惠靈以逸待勞之勢法軍晝夜攻壘
屹立不動奈坡崙利在連戰敗潰馬陸下山直衝英之友兵而仰攻終
不如俯擊連次奔突英營迄不能破雖炮彈怒飛英法之兵死傷無算
惠靈吞仍守定此山寸步不移靜候普兵之來救祇以普兵在路小有
阻隔直待開戰至八點鐘之久始聞炮聲驟發知普兵已離此不遠英
兵各奮神威拿坡崙一開炮聲亦知英之救兵將至此時若不敗英人

必遭兩路夾攻之厄於是身先士卒率隨身轉戰之精兵鼓勇直前力
攻英壘恨不能立時踏毀豈料英將恃有普兵膽氣愈壯士卒亦毫無
懼怯努力按戰法兵反爲所敗普軍中亦聞有戰事爭先奔至兩軍驟
合直壓拿坡崙之壘法軍乃大崩潰法皇單騎出走無分晝夜直奔巴
黎未入皇宮急召大臣議再調兵三十萬並一切軍餉等費無如法國
此時實已筋疲力盡且各大臣皆知法人死亡無數萬不敢再言兵事
彼此相顧扼腕拿坡崙亦知無可如何不得不再讓皇位於是自投英
兵船求英主給地一方以避難英國以法皇前既失信今不准再居本
國而放之於大西洋中之希利納海島蓋周圍不過百里耳拿坡崙意
殊不欲英人語以際此時會不能聽君王自主矣拿坡崙亦默念今如
不去則舍自盡而外別無良法不得已垂頭喪氣至希利納島居焉

第三十九
年格魯

法皇之居處來巴高也地雖褊小猶可自主今所居之島不獨地之小
倍於前且有高官階級約法連與高官俾偶一回首則宮花冷落禁樹
婆娑偶一凝眸則海水蒼茫山重巒峻英雄末路涕泗沾襟自知恢復
無期不覺毫無生趣其父本病弱極而卒拿坡崙亦得此病不勝痛楚
島中又無良醫遂於一千八百二十一年光緒二十七年五月初五日卒於希利
納島享年五十二歲

第三十節
拿坡崙

拿坡崙在位時深知民為邦本本國割奪之烈因念昔日之民大半受
困於上遂欲使各國悉改舊章皆變為民主之國各國不甘聽命而流
弊之所至逞其恃才傲物之心窮兵於外不顧民間之受害及至各國
卒起而攻卒致兵敗國喪力竭身亡亦可惜也拿坡崙既敗法國仍立
魯意第十八為王然其所創立之法條典章多有益於國計民生且關

繫於各國之事者甚大迄今各國有所其法而忽焉興盛者拿坡崙誠人傑矣哉○拿坡崙在位二十年歷觀人民遭逢亂世幾不知有太平之事殘害生靈幾數百萬耳目之所見聞無非殺氣之所浸漬舉凡利民利國之善政皆難舉斯所利於民之賦稅盡供行間之用因倭日見其多當世之人實皆備受其楚然而後世多受裨益之事要皆於此基之也○先是歐洲生齒日繁朝廷養民之法但守成規不知改變凡事由君主政不問民間之向背及經拿坡崙之整頓凡有國者皆知不能爲民籌養生之法以及不順民心者享國斷難太平斷難永久於是無有所法又有所戒各國皆知兵革之禍其深莫測凡有不便於民之事不得不悉心改變免致下民受困而爲亂故此後五十年間歐洲之興實爲開闢以來所未有而推原其始則未始非拿坡崙之功也○總而言

之法皇拿坡崙之生平盡心於立國養民之道可謂歐洲自古以來罕有之英主而其害民之甚亦爲自古以來所罕有之暴主昔者他國多歸君主自拿坡崙改爲民主列國遂知順從民心之爲善卽如意大利國數百年前國政之不善者甚多而終日如在夢中謂上天祇保護在上之人民間甘苦全不聞問惟視在上者之言以爲從違迨聞拿坡崙以民爲主凡事力求便民卽日恍然醒悟豁然改變適與百年前所行相反今則日臻隆盛矣日耳曼境本諸小國之所分據初亦以爲由天所定不敢更張迨聞拿坡崙之言因議以小國衆多政令不齊卽人心不一勢分力弱不可爲國與如合爲一大國則事權有主必臻強盛此後五十年間日耳曼盡變章程合而爲一大聯邦今在歐洲亦儼然稱爲瀛洲美洲之華盛頓改立民主迨華盛頓薨拿坡崙卽命其將帥凡

師行所至必稱頌華盛頓改立民主之善使他國之民皆學美國之法
即藉此以收各處之民心拿坡崙徵兵之際亦本此意法民間得以自
主之詔書無不樂爲之用而既得民心遂欲爲歐洲大國之冠強令各
國改章以聽命馴致妄動干戈傷財害民無所底止故其安民之法實
大有造於各國而害民之禍獨中於法蘭西況更求爲歐洲之共主既
不尊君又不恤民各國皆不服從連兵而擄之困苦委頓以死此誠拿
坡崙自取之咎也拿坡崙既死諸事皆敗於垂成惟所立安民養民陪
替法人雖云亡而各國多則效之目下歐洲各國中凡能多講求養民
安民之法者國勢日臻興盛反是則日見衰弱此法皇拿坡崙之有益
於歐洲也故歐人至今樂道之

第一節
各國情形

泰西新史綱要卷之三

英國馬提摩大元木

上海蔡爾康芝林述稿

各國會於奧都

法蘭西皇拿破崙未得逞志於歐洲之始各國之疆宇四分五裂較之
拿破崙之所改大不相同居今稽古可猶述也初歐洲強大之國寥寥
無幾小者不下三四百國小國之君於其朝政軍務田賦刑律一一自
爲主宰無所承攸老相傳聞非利加一洲往往相距二百里言語即
不相通游歷其地者欲僞學動輒格牒之音殊非易事願不知其難否
而考歐洲各小國當時實有類於是者越國過都之士問俗問禁日不
暇給一或不慎即隨法網且其定律也及各國君之仁暴民之好惡以
爲衡兌使人無所適從較之中國古時公侯方百里伯七十里子男五

十里而悉奉王朝之聲教者相去遠矣○歐洲有意大利者強國也其盛時四境之內尺地莫非其土一民莫非其臣既而羅馬國大破番衆於北方乘勝闖入意國剖分其土地以貶其旌征之功臣意國亦空而爲諸小國迨沙里曼大帝稱雄於意大利兼并小弱駸駸乎復昔日之規模沙里曼大帝薨國又星散當中國有明之世意之大臣康蘭伯合衆小國而爲一大國再以羅馬府爲都城亦越西歷一千八百年意意大利仍散而不合其可屈指數者猶卽爲一國拿坡里爲一國

飛泥雪爲一國倫巴提爲奧所得卽由奧人爲主利羅芽雖不成爲國亦歸自主教皇所屬者亦有二百萬人且舍此之外又有分封之侯國

甚至有一通商之鎮集而亦自主者

據維多利亞主書中因元元以來實有之

通有動憂外侮

一切難難之事則彼此立約共爲襄助事過則又不相問問歐洲而無

善將兵者也有大將軍起鯨吞蠶食其何難之與有○日耳曼全境有
自主之地三百較之意大利更覺零星其二百君之中有所謂文王者
有所謂教王者又有可權立以爲皇帝之王與夫有名無實之王皆主
也其自主之通商鉅集亦頗與意大利相似而與地利阿國普魯士國
迭爲雄長有時與王更假稱爲皇帝之尊以轄治日耳曼自言其權
位望皆藉焉教皇之所給予遇有戰事可檄召諸小國抽調領兵以爲
輔助○奧地利兩國處於歐洲之中掌全洲之大權者垂數百載其生
齒二十五兆日耳曼境恒爲其所轄治和蘭國之佛蘭德意大利國之
倫巴提兩地皆爲其所據而西北境之武魯城恒加利城即馬亦率與
皇號令無敢或違○普魯士者初本不齒於大國之列其人民亦不過
八兆而猛鷙善戰亦猶燕趙之雄於中國樊迭禮大王在位尤善練兵

兵力益強遂謂可無敵於天下恒欲翦滅其鄰近諸小國小國畏之○
波蘭國前爲俄奧普連兵而滅之三分其地然有志之遺民固常存恢復之心也○昔者和蘭國維爾維爾特威遠震及英吉利國駭駭度驕
驕之前和蘭遂睦乎其後其內政則易爲民主太平無事專務與他國
通商致富若與他國交涉諸事初不甚講求也其民勤於工作雖曰藝
成而下要皆曰起有功其地大半水鄉及考得宜洩瀦水之法奈高狹
逼野矣○和蘭之鄰國曰比利時雖屬於奧國而外交內政亦有足多
者○瑞士者合民主之小邦二十二而爲一國其生齒不過二兆瑞王
以鄰國多自相殘滅非道也故憲法相傳祇願自守其國於他國之事
從不敢爲左右袒○以上皆歐洲當日之大畧情形也豈料法國如鯨
魚之怒寧翻江倒海各國歷二十年之久無能坐享昇平且名大有沒

第二節
拿破崙出
世後情形

動不居之象也或

意大利國既爲拿破崙所得一切改絃而更張之當時雖覺其苦然於
意大有裨益初拿破崙割意之北半國立一民主大國其小邦有不洽
於心者拿破崙諭其民曰朕意欲合汝國全境爲一大國卽教皇所轄
之地亦在其中朕爲汝民主之主民皆悅之於是意大利隸拿破崙之
宇下者十居其七八已而拿破崙以其地封其姊婿爲拿破崙王意
之全境幾盡歸其掌握然拿破崙王仍受治於法不啻法之藩屬意
大利之內治遂頓易故轍矣○和蘭國境拿破崙以畀其弟魯意而立
爲和蘭王未幾拿破崙命魯意與創一事未免強人以所難魯意恐民
心不服自辭王位和蘭遂改隸法之屬邦并不成其爲國矣○比利時
國亦折而入於法○日耳曼列邦中有不服奧帝之政令者欲自立一

新國拿破崙陰左右之其都城近枕蘭因河因名曰蘭因合國有民一兆六億大勢既定自甘心爲法之外藩矣初日耳曼境小邦共三百有奇至是已合而爲三十國其中之普魯士國則分而爲二一由拿破崙命在日耳曼之友邦主之一由拿破崙別立一國名曰威士法利亞封其弟葉落密爲王奧國亦分而爲二波瀾國向日改隸普國之地拿破崙亦取之以贈薩克思義王於是日耳曼全改舊規矣○拿破崙初掌大權瑞士國已遭吞并令其更變制度卽隸法之字下謂如此則可免他族之覬覦也

拿破崙在位歐洲各國紛紜更易至於此極迨拿破崙俯首成擒凡勦法有功之各國君主思欲驅理河山重新日月茲事體大稍一不慎禍亂隨之所惜諸君類無深識遠慮官聚議於奧都之際但顧目前不能

統籌全局又僅知各保其君位而無以俯察乎民情事變之來正未有
文也殊不知拿坡崙之爲政事事求有益於民民既由之而復知之迥
非二十年前安分守已之比今諸君但營營拿坡崙之亂世界而抹卻
其利民生故其所議者無非圖復昔時之基業凡失位之君盡使復之
其與法鄰近之小邦則微助之謂可杜法人之再肆其虐也各國之大
小政令雖昔日亦或不可行者今仍欲盡率其舊章似此膠柱鼓瑟亦
何怪乎曾不須與又大亂幾不可收拾哉

是時會議於奧都者俄王奧王普王英大臣同掌大權而教皇及法蘭
西西班牙葡萄牙瑞典諸國亦各遣使赴會此外小國甚多無庸指數
皆聽俄奧普英之命俄奧普英之君若臣自以爲拿坡崙今遭禁錮皆
吾輩莫大之功也歐洲各國之君業已無不欽佩而聽命於吾輩之一

言豈須下問小民轉多紛擾遂各議定大旨擇日開辦○至日先議法國之事謂查明法國當一千七百九十二年乾隆五十七年其疆域之廣袤何若豈宜有所增益故是年以後拿坡崙所奪諸人者今仍以還諸人所增之民三十二兆丁口亦悉以還諸元主而於其中畧留小地數處使歸法屬法使諾諾而退法事畧定○次議意大利事謂意雖欲合爲一大國然非其時也今倫已提一隅已歸奧轄又取其自主之飛泥雪一國改隸於奧以酬其力破拿坡崙之功飛泥雪人雖不願而無如之何也教皇舊地之在意者則仍以奉教皇至拿坡崙蠟螯曾經拿坡崙割以封其姊婿者今亦仍歸元主其餘意大利之諸侯務俾各享其利是時有耕羅亞民人不願受撤却之約束而會中付之不見不聞以爲意大利仍復其四分五裂之舊於事已了然意大利合爲一統之基早已萌

身於此故開五十年而遂成○日耳曼列邦之名不可僅指會中亦使
各復其位惟許其立約爲聯邦盟曰聯邦中無論何國若有受外人之
凌侮者諸國合力以拒之而惟奧普二國爲盟主蓋緣昔年奧在日耳
曼列邦中實爲冠冕今故仍之但普國是時日益強盛幾有寡人中此
與君代興之勢彼此恐不免各懷忌嫉矣○次議和蘭比利時之事二
國欲合而爲一從之○漢諾非者本英國之屬地也拿破崙之亂普人
翦以爲已有今仍舉而歸諸英○瑞典瑞威二國援和比合而爲一之
例以請亦從之○再議瑞士國事奧都大會之諸君許其自主惟令其
恪守新定之歐洲各國國體重加整頓○波瀾國昔已分隸於人今仍
不許合而爲自主惟俄羅斯於舊所分割之外稍沾其利又取其民十
五兆分隸俄奧普三國蓋皆以酬破法之勞也○薩克思義國初未滿

拿坡崙之蹂躪而甘心執挺爲降王長奧都大會中人咸深鄙之遂割其國之半以予普魯士○湖兵火孔迫之際英兵舊法屬地最多今英國惟冀歐洲之平定此外別無他求故僅留一隅地聊爲繫念餘盡棄而還諸法說者謂是會也英之待法最爲平恕云○會議既畢歐洲全境諸事畢定大小各國君若臣之在會者先後自奧都各返其國咸謂自時厥後可卜長治久安矣而不知有驚天動地之事當時在會諸君王無一人曾計及之者嗚呼何其疏戢夫會中之所定者皆人君之所爲安富而尊榮者也然而國以民爲本苟無民何有君何以妄然赴會之人非其君主卽其大臣乃於民生之休戚漠然若不相關於是君雖各君其國民謂其未能各予其民也蓋又歷五十年之久歐洲有君民交責之禍直特別創良法妥爲措置而後卽安云

泰西新史攬要卷之四

英國

馬繼西示本
李校摩太詳

上海蔡爾康紫紱述稿

英吉利國

中國光緒十九年歲在癸巳實爲西歷一千八百九十三年留心時事者咸謂英國之富強冠於萬國庸詎知百年以前英民之困苦又幾甲於五洲平當法皇拿破崙之稱霸於歐洲也各國迄無寧宇英之君若臣竭力支柱鼓百折不撓之氣獨不肯爲法下各國倚以爲重羣幸之爲盟主拿破崙以爲不服英吉利終不足以張法蘭西也虎視眈眈其欲逐逐英廷乃益嚴爲之備以角逐於疆場勢蓋處於無可如何非殘民以逞之謂然英民當積困未蘇之後更因之以鋒鏑通計一國中壯佼之男子約四五百萬而戮力行間退守進攻者

乃一百萬既盡拋其本業復日蹈於危機其苦已不可思議況乎英廷以戰事爲重其於救民之政日久未遑兼顧浸假而亂離潰散民情迫而思變其爲禍亦不可思議所幸英民各奮堅忍之志雖值艱難困阨而同仇敵愾不以挫敗墮其操不以貧窶動其心故戰禍初開民數僅十三兆有奇且多暴骨郊原者至一千八百十五年光緒十年竟增至二十兆亦可見其生聚之衆矣今將一百年前英民之情實臚列於後所願謀國者垂爲法而引爲戒也

各國紛爭之際英國之北省曰蘇格蘭其民人能爲粗工者每一禮拜所得僱值僅英金八先令約合華銀兩七錢英國之南省曰阿爾蘭其粗工所得僱值每一禮拜僅英金十一先令北省之泥水匠木匠每一禮拜約得僱值英金一鎊二先令南省則一鎊五先令又有織工一業每禮拜

北省約十一先令南省亦一鎊五先令與都曉定和局英民得免兵戈
之禍添水匠木匠備值較戰時不相上下至於織匠一則因大兵之後
國場相望穿衣之人少一則因新創織布機器人力不能敵故值價
賤其半若輩思以勤補拙每日操作自十六點鐘一則凡二點鐘至十八點
鐘而所得者約不足英金一先令馴至貧不能支曾求議院資送至坎
拿大以謀餬口又求申機器織布之禁議院俱不許其不安分者遂羣
赴織布廠毀其機器其安分者更求議院爲定一最賤之工價議院亦
辭以不能而民間之購布者則又謂機器所織之布價廉而物美織工
所織之布幾乎無人顧問卽此一端可見守舊法之拙者終不敵行新
法之巧也

拿坡崙起與甲兵危士臣擯怨於諸國垂二十餘年其間英國諸工匠

之儲值雖與未戰時不甚懸殊而食物翔貴實不利於貧民且緣是而佃田之值亦日益貴及至和局既定較之未戰以前佃價已貴至一位故假如有田萬畝之富戶不啻增田萬畝英廷又嚴申外糧入國之禁糧價貴至倍蓰農人之富亦不待言市僧得以居奇商人因之而亦富商人既富多財善賈新創製造諸法由此漸興今之諸大富商蓋皆於是時植其基也然而貧人之苦則有難以言語形容者就其顯見者而論譬如金一鎊向日所購食物可敷十日之食者一至其時或僅能買五斗之腹一千七百九十二年^{乾隆五十七年}麥價計英量一鎊約合華量八斗值英國通用小銀餅四十七枚一千八百一年^{嘉慶六年}同此麥也而已需一百八十枚則貴至四倍矣當其戰時或麥一囊需通用小銀餅八十四枚左右則亦貴幾一倍矣英廷既禁外糧之入境時或徵師他

國同政法皇他國倘不欲與聞袖手作壁上觀英廷卽下令劫其運糧之舟夫他國漠視法人之亂歐洲國有罪矣英更劫諸邦之糧精不知以暴易暴乎

是時英議院中得胡定律之權者皆多田畝足穀翁也戰禍既興負耒之丁男多易而爲荷戈之甲士英國如是他國亦何獨不然田之甚者日多倉之儲者日少各國之糧僅敷其民之口食固不能遠糶於並建乎承平以後英議員以爲若令外糧入國糧必賤糧賤則佃田之租心隨之而亦賤是我輩不能常保其富也一千八百十五年^{嘉慶二十一年}定一

新例云英國麥一蘇計價合通用銀餅八十枚或再有加增須歷六閱月之久始暫許外糧入國其意欲使糧價不至過賤佃戶無從藉口田租卽常保增昂所謂但知有己不知有人也此例後雖畧寬然前後

十年間英國之民食無聊賴矣。

上文所云猶指樂歲言之也。大兵之後必有凶年。貧苦小民仰屋而咥計。惟有裁減日食一法。餓死者遂相望於道。況更有顆粒無收之處。死亡枕藉。慘不忍言。蘇格蘭省會中遵行義舉。合八家之力以贍養一貧家。而終不可爲繼。至英國通例。遇大荒之歲。官爲出示申殷戶。遇糶之禁。每民一口祇許儲麥若干斛。然亦無濟於事也。○食價既貴。工價必賤。民之貧者日益苦。乃當時輿論有至愚而極陋者。不怨公家定律之不善。但謂人稠而地狹。事實無可奈何。亦不知他洲異國有無窮之糧食。畏於英官之禁令不敢運英求售。但謂地之所生本不敷人之所食。於官乎何尤。又有自命爲博學者。更迂而求諸各自減少其以生以育之法。謂從此以後苟人人無子孫滿堂之苦。卽無食指日繁之患也。愚

陋至此一何可晒○況乎當時之苛政不第禁外邦糧食人國已也又禁外來之肉食糧價過八十枚之額暫可弛禁歲若犬牛羊諸物不論價之騰踊與否永遠不許闖入或問其故則曰爲國而不能自食其民危亡之道也外邦以無用之食物易我有用之金錢曾幾何時而不匱乏故與其國貧無異民死其農家者流則又曰若許外糧之入我輩斷不能得重價是將流毒於西隣南畝中矣於是富室之爲議紳者定律以任農之居奇農家則以居奇爲要挾博士又欲創生育不繁之謬論英民胥爲其所惑日流於困阨而無以自拔矣

英之國賦是時亦至繁重矣法禍孔亟養兵百萬人皆募之於本國者也猶以爲不足則徵召他國之兵以同拒拿坡崙他國若以貧辭則英廷願爲之籌餉故與法戰之首年共糜軍餉英金二十兆鎊合華銀八

千萬兩國債則已有英金二百六十八兆鎊合華銀十萬七千二百萬兩及乎終戰之歲其軍餉增至英金一百七兆鎊合華銀四萬二千八百兆兩至戰罷而統核國債積負英金八百兆鎊共合華銀三千二百兆兩若以中國寶銀每鎰五十兩而計共需六千四百萬鎰卽六十四兆錠其爲數尙可紀極哉

按但出周年息銀三釐而計已合華銀九千六百萬兩矣

當法難之未作也美

國離英而自立英人征之未能得志業已廢帑如泥沙其取之於民者勻計每人年需英金一鎊較之近年每丁口約年納英金二鎊七先令者固所謂賦之至薄者也而不知一千八百十四年

嘉慶十年

卽英與法

戰之末年無論男丁女口每年勻計需納英金六鎊合華銀二十四兩亘古以來普天之下豈有如此重賦哉考英國自一千七百九十三年

乾隆五十八年

爲始至一千八百十五年

嘉慶二十年

爲止其津貼他國之兵餉連

拿坡崙敗後贈法國魯意王以充宮中之費計英金二十萬鎊在內共
廢英金六十八兆鎊於英民固毫無裨益也承平後統按國家度支所
出年需英金五十二兆鎊遂自每丁納六鎊之數減至約二鎊十二先
令人皆懽欣鼓舞然而時取民之賦迄未嘗得有良法假如糧食有
稅民苦而國無所益其受益者徒富室耳茶糖亦有稅故自一千七百
九十一年乾隆五十六年至一千八百三十一年道光十一年凡四十年中民數自
十四兆增至二十二兆丁口而糖則僅自二百九十分增至三百五十
八分茶則僅自三十四分增至二十六分其所增之物不敵所增之人
則稅重也其吸煙之數且更反少於昔造屋者以磚瓦琉璃等物之重
稅亦不如昔其釀黃酒者自加重稅之後收數反短於前且由三十年
後核諸三十年前酒稅之總數既不止十減其五民間嗜酒之徒改而

飲火酒躉賣由之而日損則其爲禍可勝道哉又徵民居玻璃窓之稅
按其長短闊狹而重科之年可取英金一百二十五萬鎊既而民間蓋
屋或竟無窓或僅開一小窓不但便且鬱蒸之氣無所發洩病者日
多此又厲民之虐政也印字所用之鉛質聚珍板每磅約科英金二辨
尼即英金之四分之一國家一年之所入較之鐐字工價約多三倍報館所印之新聞
紙每紙初科英金一辨尼之稅漸增至英金四辨尼其意一在多金以
足國一在減新聞紙之數使民間罔知國事之弊所科鹽稅較之鹽價
增至四十倍之多貧民居近海濱者皆以海水養食否則惟淡食而已
又如一織布匠所需諸物無一無稅通盤核計幾較原物之價而倍之
保險局每保金千鎊納稅二鎊其欲售貨而登新聞紙之告白者每件
納稅金二鎊卽以藥餌之稅而論每年亦可得英金五萬鎊有人戲謂

小孩初墮於地所穿之衣襦有稅也能嬉戲所打之球有稅也及自少而壯而老無一物不有稅也及至於身死所殮之木棺有稅也所葬之石部有稅也死後尙不得安其所積之家產且須剖而呈於官嗚呼英民處歐洲假擾之時亦誠大不幸矣哉

且英之刑律又至苛矣不特慘犯死罪者不一其條即罪之可輕可重者刑官必比重律從未聞有改比輕律之事謂將以威民也此蓋當時百年內所定非四百年前所留貽也綜其死罪凡二百二十三條其最無謂者如壞御路所過之橋如人而忽易異服皆千斬決如斫人小樹如打死人小兔如竊人財物值英金三先令如竊人漂白布如致書嚇詐人財如軍犯未到期而自配逃回皆千絞決時有法司語人曰犯法人不可寬寬則有二害焉一則留之適以累良民一則他人尤而效之

也故真妙於處死一千八百十六年嘉慶二十一年同時定死罪者五十八人

內有一幼童僅十一齡耳法場之土幾無暇日慘哉一千七百七十六

年乾隆四十四年有某牧師云半月之前吾遵例至法場勸導罪人二十名按

例人犯罪至死必有牧師至法場先勸導之為善俾他生毋再為非然後就刑演說既畢吾觀眾罪人皆誠心改悔

者也而不免於死聞一禮拜又有二十人在法場公家令吾往勸亦死

囚也即此數語其慘痛之意幾無天日矣且當列國交戰之時苛待俘

囚直無人理一旦鞫問得實紛紛斬首一十八百二十年嘉慶二十五年有謀

叛者先處以絞罪而復斬其首人生至此天道雷論

英之牢獄亦甚不善英人霍德善士也一千七百七十三年乾隆三十八年編

查歐洲牢獄而歸報於眾曰獄官無俸無祿而竟有不惜金資以捐充

此官者入獄之囚皆有例輸銀兩獄官衣食家計悉取諸囚囚鎮多則

寬待之囚之所食所需皆官爲供給而重取其值囚如無錢則合臥於潮濕之地或更有監禁業已期滿而以無錢之故勒阻不令出獄者囚之戚友欲往問候無錢亦不許入也囚在獄中有工作以操勞者有製成貨物者時或出至門首帶鐵鍊以求售所得之錢皆以奉於獄官若不能製物之囚其家人或可攜資以贖或從窓穴中通出錢條向過路人乞食其屋既甚低隘且黑暗而潮悶囚又擁擠不堪惡小無以通氣齷齪不可言喻緣此多患熱證而男女老幼亦不甚分別往往同室而幽之設身處地思之慘然似此章程實亟宜改革者也法國監中發給囚糧似章程畧善於英惟有刑具多種或竟以之夾囚則比英尤酷矣從前英之貧民甚多乞丐載道公家不知除貧之根又不知救貧之策但知強令其安貧一切貧民惟有在家困守耳一千四百年左右

當中國明初

英國申貧民行乞於外之禁不論如何困阨只在本鄉苦度民不能甘
俱散而之四方以餬其口或曰一千三百餘年既英師至叙利亞與回
民戰畢而返民心不定故四出以行乞也然究其實終不外貧之一字
及貧極而無食不免以搶劫爲生濫公家悉從嚴懲治依然罔顧救貧
一千五百餘年明中沙理王第八在位定律云民有行乞者予以鞭撻
之刑再犯則割其耳三犯則死律雖不行其意之虐可想也既乃勸捐
以濟貧而樂捐者甚鮮直至以利沙伯女主在位明萬曆年間以富戶漠視
民貧爲不仁之尤傳命按產科派而斟酌法制以贍窮櫛循行二百餘
年至一千八百三十四年道光十四年始行刪改當其未改之前公家念貧
民日多似難普救乃破格以待之凡查得貧苦有實據者未嘗勒令至
卑田院也仍准安居家室而按日具領官糧以補其不足然弊之所至

貧民日多一日，咸謂坐以待食，較之終日勤苦以操作者，所入似更有餘。遂各地荒其棄習之工，日益流於懶惰。計一千八百一十年，嘉慶十六年英廷爲阿爾蘭所屬之威利士一省貧民支給帑金年需四百萬鎊，合華銀一千六百萬。一千八百十八年，嘉慶二十三年即以威利士省而論，已增至英金八百萬鎊。弊愈積而愈深，竟有以田爲業之戶，謂田中所產糧食，除耕費之外，所餘者不敷納稅，遂甘心自棄其田，或以餽諸貧民，而不索其值。貧民亦視田爲累，堅辭不受。夫英廷歷年以來，養貧之法，誠仁政之所見端，豈料流弊之極，遂致於斯。而且貧民之領得官錢者，又視爲僥來之物，沽酒而飲，罔知顧惜公家，乃不得不改絃更張矣。

當時諸大城鎮，初不敢今茲之繁庶也。英京倫敦，今有生齒四百萬，當時則僅一百萬耳。已稱獨出冠時。曼徹斯特城，今有生齒六十萬，當時不

過十一萬、利物浦今亦六十萬、當時纔十萬、北明亭今有四十四萬、當時纔八萬五千、蘇格蘭之格拉斯海口今有五十二萬、蘇格蘭都會今有二十六萬、當時各不過十萬、民少易治理、或然也、乃昔之養民者他事姑置、弗論其道途、問初無陰溝之制、故汲水不克流通、街市間穢氣蒸騰、人偶觸之即沾疾疫、此一端也、人或深夜出門、苟不自携燈火、即如入黑暗地獄、偶有一二路燈、亦僅取力於油、何能普照通衢、此又一端也、其初行煤氣燈、即上海人所請之自來火之時、未嘗設於街市也、一千八百七二年、嘉慶十年英京街市間初立煤氣燈管、其以油爲業者、逞其私意、欲人仍處於暗陬、故皆稱不願、或問其故、則曰、倘設煤氣燈、必害及於捕鯨之漁戶、按其國昔時所用之油多取資於魚而尤以鯨魚油爲夥且害及於駕駛漁船之水手、充類至盡、更害及於造船之匠、打纜之工、遂環求公家禁設路燈、即以此言爲藉

曰公家則謂風高月黑匪徒易於潛踪今准令合市懸燈匪蹤可杜因
卻若輩之請

昔有人言歐洲各國俱有強逼其民隸於軍籍之虐政惟英國之入伍
者皆出於其民之自願今而知此語不盡然也英國有團練兵者其始
皆由國家逼令爲之訓練既熟積口又略久遂有人願入營中以禦敵
兵者其兵船之水手亦有逼令充水師者且時或強逼貿易船中之水
手以入兵船甚至當軍書旁午需人孔亟之時各海口均派有瞭望之
人一見商船進口卽驅其各水手改隸兵船無許違拘

近來軍中之獲罪者或予以二十鞭三十鞭謂足蔽辜矣當時則軍令
森嚴偶犯小過卽命鞭責五百下尙視爲尋常案件也其鞭責時行刑
者力稍乏鞭之不重卽須更易一人從重加鞭其旁觀者以一騎士視

犯者雖再受鞭始克停刑然養息一日仍須補鞭以足其數自滑鐵盧大敗拿破崙之後英議院議定重賞統兵將帥如惠靈吞侯及諸名將皆蒙優賚其時有獻議者曰諸兵士亦勞苦功高此後有罪宜鞭時請無過一百之數宰相某答以我國家惠下之恩過於他國恩既從優罰亦宜從惠遂命仍遵舊律然桓桓壯士出死力以衛國而未沾厚澤何以甘直至一千八百四十六年道光二十六年有一兵被鞭而死英廷始惻然動念改定條律每鞭一兵不得逾五十下一千八百六十六年同治五年議院重議凡承平之際斷不准任意鞭兵迄今三十年来兵之受鞭者總計僅三次耳

英人之從軍而死者或謂多兵刃既接時也乃觀於英俄兩國黑海之戰而知其不然是役也死於沙場者二千六百人而死於醫院者乃至

一萬八千人計自始事以來七閱月中入醫院以療傷治病者死亡枕藉若按實數推算每兵百名一歲中必喪六十名其偶抱微疾者竟至無人顧問是醫院之禍烈於戰場也又查兩軍相持之際並無戰事而在營之死數較之在家必增一倍英國心焉憫之謂黑海之軍雖多傷多病誠使設良法大爲救治或不卒道斃相望歟查英例每一隊必有軍醫每傷一兵必有侍疾之人但見仗之際忽焉傷至數千人軍醫一一施救非二三日不爲功此二三日間侍疾者寥寥無幾必已宛轉就斃或謂醫院亦嫌太小受傷者擁擠不堪必致復患他疾傷疾交作不死何待英人初以爲死者之多似無法可以解免也及見陣亡者頗少乃爲之妥籌良法以療傷殘疾病之徒

地球之上昔多爲身爲奴及爲人佃戶者俄羅斯國之民大半皆充富

室之佃戶者也有地名恒加利者奴才多至九百萬名與地利阿及普
魯士二國之鄉民亦大半爲人奴一千八百八年嘉慶十三年美國雖申再
從非洲鬻人爲奴之禁而早充本國之黑奴依然視同貨物彼此可以
買賣況查一千八百年嘉慶五年至一千八百七年嘉慶十二年此七年中美國
歲向非洲販到之黑人必有四萬名左右美洲之至非洲也中隔大西
洋海面既寬路程又遠船隻更笨滯而不能速行黑人在路必死其半
亦可慘之至矣查鬻身爲奴之事英國本有成例雖國中並無奴才而
其屬地則固有之後欲刪改成例然猶費二十年之心力善爲勸導始
克改易而要其所以爲難者美洲英屬地本視奴爲無足重輕之物主
人之意稍有不愜卽以鞭撻之滑鐵盧大戰之後八年英國立從廢女
奴之禁各屬地驟聞之下謂國家薄待富戶至有蓄意以叛英者

英屬之蘇格蘭本有挖煤製煙之奴人若價購煤井及煙廠者聲明連
奴若干頭隨同購買以夫一千七百九十九年嘉慶四年所有煤井煙廠之
奴概行恩釋俾得其為平民而仍有婦女童稚入井挖煤者埋身於地
窟之下終日拉車無敢懈怠其年齒極弱之幼孩亦在其內每日工作
自十四點鐘至十六點鐘不等而在地土者不知也且是時開煤機器
尚未有聞諸婦女或負煤筐上高梯以達於地其苦況殆不可思議
英人之居家或列廠者類燒煤以禦寒兼以工作其煙囪中若有積灰
必僱小孩以通之因向熟皮焦骨爛固屬苦不勝言即因冷而過小者
亦復難以任受旋有人製一機器可刷煙囪之灰然後一千八百四十
年道光二十年英廷始下小孩刷灰之禁

百年以前英國通行者僅有機器數事其餘固未大興也近百年來英

之所以強於各國者半緣工於織造之故一千七百六十九年

乾隆三十四年英

人亞克雷武創造紡紗機一千七百七十五年

乾隆四十年

英人坑吞創造

紡線走機一千七百八十七年

乾隆五十二年

英人楷脫創造織布機一千七

百九十三年

乾隆五十八年

英人惠鐵南創造軋花機從此紡紗軋花織布新

機同時創獲觀其外貌似屬些小機器而不知其關係之大遂徧於五

洲萬國英國既得此法竟爲貿易場中國手舉世無有能與之敵者惟

恃羊毛以製貨之一業日見衰頹考英國愛特霍王第六在位

當中國明末

定章不甚善積至一千八百七年

嘉慶十年

凡取羊毛以織呢者俱用一

二千年前羅馬國傳來之舊法又用麻以織布之法亦歷一二千年而

不改迨織布新法既得乃推而及之於織毛織麻皆亘古所未有也○

古之粘線者皆用女工三四千年前埃及國即用此法三千年前希臘

國亦此法也。至猶太國之蘇祿門王時與國文武亦如此。英國歷古以來

亦皆如此。初無他法也。英之禮察王在位元代至猶太國征土耳其

即矣時英之婦女仍用此法。及哲而治王第三欲取美洲之際，英婦女

居家操作，亦仍此呆笨之法。馴至一千七百六十餘年乾隆英國始得

新法，先有紡紗之輪，以一人之力，同時可紡紗一二百條。又閱五十年

即滑鐵盧大戰之後，又有紡紗架，能借水汽之力，或火輪之力，同時可

紡紗數千條，一應舊法，遂棄置而不用矣。

歐洲戰務，其歷二十五年之久，人謂此二十五年中，必造新法兵器若

千具，而其實仍皆恃舊時呆笨之器。其放洋槍也，必用火鑪以取火，惟

至一千八百十五年嘉慶二十始創行銅帽耳，其洋槍之式，槍管內務取

其光滑，無所謂螺絲之旋也。且其製又非一律，甚難量其準頭，故大率

放諸空地相傳英法之兵戰於西班牙境時兩軍中所放之槍百纔中
一而已若欲以洋槍彈死一人必其槍子之鎗適如死者之身之輕重
則鎗子落空之數可頻推已兵之所恃者不過槍端之利刃然亦必遠
近斷殺而後能得其力且傷人亦不甚多往往兵刃既接相率退避故
英法之戰其以真槍刀見仗者不過一二次耳沙理王第八王英明時
初製大炮及後膛槍然手鎗不精仍不能用若英人真能得此法則與
拿坡崙交戰可一鼓而平之矣惟英人無新法兵器故惟有捨命以敵
拿坡崙始克不相上下至英國水師提督利孫所駕之兵艦亦皆積
年舊式其最大之一船能載重二千五百墩以英禮一墩約合華
重一千六百八十斤以柁木
爲船身號稱堅固其高則有樓五六層其行也則恃風勢以揚帆船中
有炮一百二十尊其最大之炮可容重華權五十餘斤之實心彈若今

所用之實心彈初未得其法也其常時使用之兵船每船不過載炮七十四尊載兵五六百名其同時所放之炮彈約重英權二千五百磅台禁權左右若在目下則一炮之彈已幾幾乎有此分量矣溯當時法船之製實精於英但英既敗法常奪法人所駕之船於是英船日益精蘇格蘭省有姓海騰之教士二人兄弟也生平所言俱以感化人心爲本務一千七百九十七年嘉慶二年曾遊於閩武螺螺境見成羣結隊之童子俱不識字問其故則曰受傭於織布廠無暇讀書也英宰相威良贊特卒於一千八百五年咸豐中當其在相位時見紡紗新法及以水力火輪運動機器之妙嘗語人曰他日我英工作之變通非鄙人能測其所終極惟以幼童而充工作則社時所未有之苦也○當歐洲戰禍未息以前需用布疋日多織廠亦日多莫之致而致不期然而然遂有無數

幼童入廠工作而一日作苦凡幾點鐘迄無定章也少壯之人荷戈遠
戰初不知家有幼孩亦受盡千辛萬苦積之既久凡在廠之童子其壯
實遠遠遜他人一千八百三十二年道光十年英廷始有派人查廠之舉
查明積弊之深有非楮墨所能盡者寬有小孩年甫七齡已入廠中每
日工作少或十三點鐘多或十五點鐘小孩無此精神其管機時或多
晡睡無情之機器難免不傷及其身管廠者恐其傷也見有睡者即加
以鞭小孩既不得睡精神頹喪飲食即不能多進神氣益日以筋索及
至禮拜日散工之際其母或挈至禮拜堂讀書又因六日中辛苦太甚
一遇閒暇毫無意興於是以致受盡苦楚之故身體既不見茁長氣血亦
不見活潑而又骨瘦如柴或生痰癆諸症或成虛癆諸病蓋身弱者必
多病一病必重於他人其幸而不死者既不壯實必不長壽又不識字

而愚無所知皆大有害於民也一旦國家有警募人出戰其主將必聲明凡幼時曾傭於紡織廠者俱不入選亦可見此輩孱弱之至矣

當時寄信之稽遲由今觀之無不哂其愚蠢至極者然在當時則皆以爲舍此別無良法也滑鐵盧戰勝後闔三口而捷報始到英京於是各報館皆取其事印入日報爾載於郵政車中晝夜飛馳徧報於衆然一點鐘僅能行二三十里路耳郵政車每過三叉路口必有多人謁立於此候問消息所經各州縣人皆爭待車來探問滑鐵盧戰事及車至市場上插青蔥之樹枝此如中國之紅旗報捷者然人皆知滑鐵盧之戰英軍大獲全勝紛紛圍車而問其管車者手中整理郵政書囊交管驛人分送口中演說戰狀并稱拿坡崙業已就擒戰禍可期安謐及書囊交代清楚管車人吹角開車衆人皆送於兩旁以讓之又過一州縣依

然如前蓋欲使從征軍士之家屬徧釋憂思也然寄信之拙誠無出其右矣此法自一千八百年嘉慶至一千八百三十四年間道光無不如此

郵政車不但帶信兼又帶客當時之人皆稱極便溯此車未設以前英人之欲往他鄉者必買馬以乘之日行百里或一百二十里屈計中途若有幽僻之處必攜兵器以防盜賊緣此遂憚於遠出英廷又以其行旅之少也即通衢大道亦全不加以修築一千七百餘年中國康熙英始有築路之政大路年不與修行者便之旋又有帶客便車出其車共有四輪駕車以四馬爲率而視車之大小爲加減車內分作兩層約可坐十餘人一千七百七十四年乾隆三十九年英官某曾乘此車一晝夜行四百里人咸謂其速無比又有某大員於三日三夜之內乘此車而疾馳

一千四百里其知交多勸之曰此後萬不可欲遠至此人命至重非兒
戲也○英人之行水程者向皆用小夾板船乘風揚帆若欲定期何往
殊難預計倘遇順風則相去數百里如飛而至與輪船不相上下苟無
風力相助甚或忽遇逆風則船必收港數日不能行一步蘇格蘭之理
忒海口離英京一千五百里耳有時舟行凡四十餘日始卸征帆若欲
從英國而至美洲必取道於大西洋其行程至速者亦須一月遲則竟
須三月以視今之輪船七日可至或六日即至不論有風無風及風之
方向者其利鈍爲何如也一十八百一年^{嘉慶十六年}英人福爾吞曾獻策於
拿波崙曰余能以新法創造火輪船飛渡重洋毫無阻礙拿波崙僞用
其計英國難免不遭蹂躪乃拿波崙遴派數幹員會議此事細加查考
皆不信新法之勝於舊法且謂用火力以駛輪船爲宇宙間必無之事

遂寢其議○貧民如欲遠行難若登天是以出游者絕少遠游者更少
往往生於何地即死於何地甚至老死不相往來彼此遂懷故鄉勝於
他鄉之私見即譬如坐井觀天其所操之士語皆祖宗歷代之所留貽
遠處有何新事類皆茫然不知遠人亦不能諳其語言偶見有遠人房
止即疑其謀爲不軌而各村莊之犬只護本地之人一遇異服異言者
一大吠影衆犬吠聲其餘可槩見矣

英國於五百年前曾遭萬古未有之大疫人民十死其五及至疫氣衰
息工人不足於藝農夫不足於耕牛羊奔走田中踐食禾苗無牧之者
亦無禁之者蓋即無牛羊之蹂躪禾苗亦爛死田間耳自時厥後地多
人少工價陡貴國家患之下令申禁并聲明若有僱主之僱工者工人
倘勒索高價遲延不往即可羈之於狴犴又謂大疫之前工價若干今

仍若干若有工人糾眾把持或減其作工之時刻或增其日定之價值均千律疑云云。然但知富戶之宜保護不知貧民之宜顧惜也。此律定於一千三百五十年。歷五百年而相沿不改。直至一千八百二十四年。道光始行更訂。溯此律通行之際。工人受其約束。莫敢誰何。亦莫敢求朝廷之更改。不知其廷視富室之重視工人之難。何爲至於此極也。八九十年前。英國人競好賓客。而其待之之禮殊不見佳。凡主人延客飲食時。皆以酒爲重。客若不肯痛飲。狂醉卽似藐視主人。主人亦以爲各客盡醉始伸敬意。甚至有沈醉而縱橫酣睡者。主人曰賓禮盡矣。

當時英人之禮節。粗魯至極。平常言語往往雜以謾罵。罵者受者皆不之覺也。上之及下也。無不罵者。蓋以爲不罵則若輩必不聽也。傳教之

士亦以罵人爲先導蓋以爲不罵則聽者必不遵也婦女亦然不但言語之間加以詈詞卽形諸筆札亦罵也男子則罵婦人也官長則罵吏民也王罵其左右其左右亦侈口以罵也使目下人而亦蹈此惡習則相掩耳而不欲聞矣○其著書也舍經文道書之外文有淫褻之書肆間公然售賣不若年來之縣爲嚴禁且往往男女聚會經似正人君子而嫖娼之語津津道之彼此毫無避忌聞者亦不覺其爲無禮也師可晚者英國五十年前之名士也有某氏老嫗向之借書師可脫隨手子以一冊老嫗閱之語師可脫曰妾年少時曾有人以此種書向男女羣聚之處高聲宣讀初不覺其有不合處今到此世界則皆知此等淫書非正人君子所可觀也遂還其書卽此一端可見五十餘年來之風俗勝於百年前者甚多至其風俗日進致庸之故不能盡述惟內有一端

英國今君主維多利亞本係大賢大德之人在位五十餘年凡爲大員者下筆著書矢口陳辭不自覺其相觀而善耳

英國學校之事以目下論之則當時甚覺其少矣考九十餘年前

嘉慶二年初年

英國學塾通計僅三千三百六十三所至一千八百十九年

嘉慶二十四年

家查得通國之幼孩讀書者僅得其半英例凡夫婦成婚時必先至禮拜堂或官署親書己名以爲婚證不謂是時男子之能書己名者僅有三分之一女子亦僅十分之五則識字之少可知矣況查附近工廠之地讀書者更少男子百人能寫字者不過六十人女子百人能寫字者不過三十五人然其所謂能寫者亦不過能寫己名而已○歐洲大戰後實布之人日少織工日貧所生之男女豈有餘資使從師以誦讀況幼孩之能勝力作者父母卽挈之入廠以博工資縱喜讀書亦豈有餘

暇卽如上支所云七歲幼孩業已入廠者讀書種子既無所望識字耕
夫自必無多英廷憫之一旦幡然改變英國必大有光耀於人寰矣
昔英人之負屈者苦於無門伸雪卽控之於官府亦不肯細核口供或
曲或直一以私意爲愛憎及至冤抑無聊之際輒思祖宗成法有請天
帝以決是非者謂天之昭昭勝於人之夢夢也於是兩造約期械鬪遵
照定例不准他人助力及鬪甲而勝則天之右之也無罪也乙而死則
天之殺之也死當其罪也歐洲之北有部落曰諾爾曼今瑞典瑞威丹
墨諸國皆其苗裔故其姓名仍沿諾爾曼之稱此例之興實其部落始
昔者中國北方有金人之禍蠶食中國而歐洲之英法意諸國同時有
歐北諾爾曼部之禍其佔地至於何處其習俗卽傳至何處於是歐洲
判決大案相沿以械鬥爲妙法直歷數百年之久衆始察得受傷身死

之人儘有無辜而理較長者其無理之人反得安然獲勝殊屬不公於是各國會議凡苦之以兵器分是非之例悉行禁革然吾因之有感矣夫平民捨命鬪很亦不過曰以定是非耳乃中國禁之西國亦禁之善哉善哉何以積民而成國猝遇曲直未分之際大半以兵器角勝負豈國家之大不若小民之微哉惟幸今有弭兵之議倘兩國訂立利約之時其中增一款云異日如有違言萬不可逞強開戰即使是非莫剖亦可請局外旁觀之國秉公判斷云云則戰禍庶可免矣○英法等國雖有忘命鬪很以定是非之禁而民間舊俗殊難盡革故若有仇敵當前或遇妄自尊大之人往往冒禁令而勇於私鬥其事出非常者民或羣起而殺其仇考英國新例凡兩造之捨命以定是非者若有致命不論曲直生者卽照殺人之罪以抵償死者之命律文之嚴如此然遇有此

等血案陪審人員皆以爲此係出於兩造之自願較之無故殺人者究屬有間故從不肯按律科罪一千八百八年

嘉慶十三年

英國海擊某與其

仇械鬪遂殺其仇英廷執之定以死罪蓋因某游擊殺人之外并犯殘忍之罪也非以其殺人而償命也英人恒言曰兩造既各願照舊例捨

命以定是非終不能科以重罪故九十年前

嘉慶初年

常有釁起細微而兩

造卽肆行拚命者一千八百四年

嘉慶九年

英有某伯爵忽謂其平日最爲

敦睦之友姓泊尸者語言不敬既而明知泊尸並無不敬之意然仍欲

與之械鬪泊尸不得已而許之及鬥則某伯爵竟爲泊尸所殺此其一

也又有某副將以其所畜之犬其友之委屈遂約其友拚命此又其

一也一千八百二十二年

道光二年

英某大員囑刊數語於新聞紙其戚

某見之以爲害己遂與大員約期械鬪此外又有某某諸大員皆深願

生民之大害曰痘症死者十居其一英國天氣雨多而晴少若無引水之溝以通穢濁則徧地行潦人觸之即患瘡疾農夫染此而死者視痘症相髣髴城中街市多穢汚房舍多齷齪居民亦緣是致疾此皆英之患也一百五十年前乾隆初年英國每千丁合一年而通計之必死四十丁今則僅死二十丁矣從前瘟疫甚多且甚重醫術亦不如近年之精人死之多亦緣於此惟一百五十年前雖不如近年而較之數百年前

與人拼命謂似此判決是非較律師及法官尤爲公正也故即使我爲人殺亦所不怨且如甲造致書乙造欲與械鬪倘乙造不允人即共加以白眼謂乙之重命而輕義也惟幸新律既定此風自寬其漸少一千八百四十年道光二十年英之下議院兩議員會拼命一次彼此放鎗既畢兩無所傷遂各和好如初

則已高出一籌矣○英人壽算以近年而勾計之覺一年長於一年一

千七百八十年

乾隆四十五年

每四十人中年死一人一千八百

嘉慶五年四十

八人中年死一人一千八百二十年

嘉慶十五年

則五十七人中年死一人

矣從前小孩多不育一千八百年

嘉慶五年

通盤合算知死者多於生者而

英京中人數不見減則以鄉民有逐漸移居入城者也一千八百十年

嘉慶十五年

光景更新生者遂多於死者醫術亦日精一日其裨益於人之

壽算豈淺鮮哉